

organizacije, nalazi se u kalendaru evropske asocijacije u hrvanju.

- VIII međunarodni turnir u košarci u povodu Dana Grada je najmasovniji i najkvalitetniji turnir za juniore u regiji a među prvih pet turnira u Evropi. Ove godine na turniru će učestvovati 16 muških ekipa, 6 kadetskih, 6 pionirskih i 4 juniorskih reprezentativnih ekipa. Manifestacija je regionalnog karaktera uz potvrđeno učešće reprezentacija Hrvatske, Srbije, Slovenije, Crne Gore, te izvan regije Turske i Njemačke i naravno ekipe iz BiH. Naglašavamo da je ovo najmasovniji i najkvalitetniji košarkaški turnir u regiji.
- XIV po redu tradicionalni šestoaprilski turnir u streljaštvu za osobe s invaliditetom u gadanju iz zračne puške ima, kao nacionalni tako i međunarodni značaj. Očekuje se nastup 80 strijelaca- invalida raznih kategorija invalidnosti iz svih krajeva naše zemlje, a očekuje se učešće ekipa iz Slovenije, Hrvatske, Makedonije, Srbije, Crne Gore i Mađarske. Gradska uprava je u proteklih osam godina redovno finansirala ovu manifestaciju.
- Nadležna Služba će, kao i ranijih godina, u saradnji sa direktorima osnovnih i srednjih škola i SABNOR-a KS organizirati časove historije na temu 6. aprila - Dana Grada Sarajeva

#### ZAKLJUČCI:

1. Gradsko vijeće Grada Sarajeva daje ovlaštenje Gradonačelniku da može, a prije svega zavisno o finansijskim sredstvima namijenjenim za ovu manifestaciju, izvršiti izmjene i dopune ovog Programa.
2. Zadužuje se Gradonačelnik Grada Sarajeva da na prijedlog Službe za obrazovanje, kulturu i sport i Stručne službe gradonačelnika svojom Odlukom odredi visinu finansijskih sredstava za navedene manifestacije, a sve u okviru pozicija i visine sredstava utvrđenih Budžetom za 2016. godinu.
3. Sredstva planirana u Budžetu Grada Sarajeva koja su namijenjena organizatorima manifestacija usvojenog Programa, a za plaćanje usluga javnim subjektima (kao što je zakup objekata, bazena i sl.) usmjeravat će se i plaćati u pravilu, direktno javnim subjektima koji pružaju te usluge.
4. Gradsko vijeće Grada Sarajeva zadužuje Gradonačelnika da na sjednici Gradskog vijeća, tj. nakon realizacije Programa 6. aprila podnese kompletan izvještaj o realizaciji sa svim finansijskim pokazateljima po svakom segmentu Programa.

Gradonačelnik  
Prof. dr. Ivo Komšić, s. r.

Na osnovu člana 26. i člana 74. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 32. sjednici održanoj dana 23. 12.2015. godine, donijelo je

#### ODLUKU

#### O DAVANJU SAGLASNOSTI ZA ZAKLJUČIVANJE UGOVORA O OSNIVANJU PRAVA GRAĐENJA IZMEĐU GRADA SARAJEVA I KJKP GRADSKI SAOBRAČAJ D.O.O. SARAJEVO

##### Član 1.

Daje se saglasnost za zaključivanje Ugovora o osnivanju prava građenja (u daljem tekstu: "Ugovor") između ugovornih strana KJKP "Gradski saobraćaj" d.o.o. Sarajevo, kao vlasnika nekretnina i Grada Sarajeva, kao nosioca prava građenja, a u cilju realizacije projekta Revitalizacija Trebevičke žičare.

##### Član 2.

Za potpisivanje Ugovora iz člana 1. ove Odluke ovlašćuje se Gradonačelnik Grada Sarajeva.

##### Član 3.

Ugovor je sastavni dio ove odluke.

##### Član 4.

Sastavni dio ove Odluke je Ugovor o osnivanju prava građenja koji obuhvata sljedeće nekretnine:

- parcela broj 95, donja stanica žičare sa jednim spratom i dvorištem; zgrada i dvorište ukupne površine 2891 m<sup>2</sup>, upisana u zemljišnoknjižni izvadak Općinskog suda u Sarajevu, zemljišnoknjižni uložak broj 2, k.o. SP Sarajevo - Mahala CII.
- parcela broj 2008/11, gornja stanica žičare, prelazni most i stub br. 8 i dvorište; ukupne površine 2200 m<sup>2</sup> što u naravi predstavlja žičara - uspinjača površine 2200 m<sup>2</sup> upisana u zemljišnoknjižni izvadak Općinskog suda u Sarajevu, zemljišnoknjižni uložak broj 3187, k.o. Kijevo.

##### Član 5.

Ugovor o osnivanju prava građenja zaključiti će se pod sljedećim osnovnim odredbama:

- pravo građenja se osniva na period od 25 godina od dana upisa u Zemljišnu knjigu Općinskog suda u Sarajevu i prestaje istekom roka na koji je osnovan, nosilac prava građenja u periodu trajanja prava građenja neće plaćati mjesečnu naknadu za zemljište vlasniku zemljišta.
- Nakon prestanka prava građenja pravo vlasništva na izgrađenim objektima isključivo prelazi na KJKP "Gradski saobraćaj" d.o.o. Sarajevo, bez potraživanja naknade za uvećanje vrijednosti nekretnine.
- Grad Sarajevo obavezuje se da će KJKP "Gradski saobraćaj" d.o.o. Sarajevo, kao vlasniku nekretnine, a nakon što izgradi objekat polazne stanice Trebevičke žičare, ustupiti bez naknade poslovne prostorije za smještaj Štamparije KJKP "Gras" d.o.o. Sarajevo, ukupne površine 390 m<sup>2</sup>.

##### Član 6.

Ova Odluka stupa na snagu danom donošenja, a ista će se objaviti u "Službenim novinama Kantona Sarajevo".

Broj 01-02-2071/15 23. decembra 2015. godine Sarajevo	Predsjedavajući Gradskog vijeća <b>Suljo Agić, s. r.</b>
---	--

Na osnovu člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj dana 23.12.2015. godine, donijelo je

#### ODLUKU

#### O STAVLJANJU VAN SNAGE ODLUKE O PRISTUPANJU IZRADI REGULACIONOG PLANA "ALIPAŠIN MOST VII"

##### (Skraćeni postupak)

##### Član 1.

Stavlja se van snage Odluka o pristupanju izradi Regulacionog plana "Alipašin Most VII" po skraćenom postupku ("Službene novine Kantona Sarajevo", broj 30/15).

##### Član 2.

Ova Odluka stupa na snagu danom donošenja, a objaviće se u "Službenim novinama Kantona Sarajevo".

Broj 01-02-2072/15 23. decembra 2015. godine Sarajevo	Predsjedavajući Gradskog vijeća <b>Suljo Agić, s. r.</b>
---	--

Na osnovu člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), te člana 45. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), Gradsko vijeće Grada Sarajeva, na sjednici održanoj dana 23.12.2015. godine, donijelo je

**ODLUKU  
O IZMJENAMA I DOPUNAMA ODLUKE O  
PROVOĐENJU IZMJENA I DOPUNA REGULACIONOG  
PLANA "ALIPAŠIN MOST VII"**

**Član 1.**

Mijenja se član 20. Odluke o provođenju Izmjena i dopuna Regulacionog plana "Alipašin Most VII" ("Službene novine Kantona Sarajevo", broj 14/11) i glasi:

"Član 20.

Zadužuje se Komisija za statut i akte Gradskog vijeća Grada Sarajeva da sačini prečišćeni tekst Odluke o provođenju Regulacionog plana "Alipašin Most VII" ("Službene novine Kantona Sarajevo", broj 28/01) i Odluke o provođenju Izmjena i dopuna Regulacionog plana "Alipašin Most VII" ("Službene novine Kantona Sarajevo", broj 14/11), tako da prečišćeni tekst Odluke bude tekst Odluke o provođenju Izmjena i dopuna Regulacionog plana "Alipašin Most VII" ("Službene novine Kantona Sarajevo", broj 14/11)."

**Član 2.**

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2073/15 23. decembra 2015. godine Sarajevo	Predsjedavajući Gradskog vijeća <b>Suljo Agić, s. r.</b>
---	--

Na osnovu člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo",

broj 34/08 - Prečišćeni tekst), te člana 45. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), Gradsko vijeće Grada Sarajeva, na sjednici održanoj dana 23.12.2015. godine, donijelo je

**ODLUKU**

**O IZMJENAMA I DOPUNAMA ODLUKE O  
USVAJANJU IZMJENA I DOPUNA REGULACIONOG  
PLANA "ALIPAŠIN MOST VII"**

**Član 1.**

Mijenja se član 4. Odluke o usvajanju Izmjena i dopuna Regulacionog plana "Alipašin Most VII" ("Službene novine Kantona Sarajevo", broj 14/11) i glasi:

"Član 4.

Zadužuje se Komisija za statut i akte Gradskog vijeća Grada Sarajeva da sačini prečišćeni tekst Odluke o usvajanju Regulacionog plana "Alipašin Most VII" i Odluke o provođenju Regulacionog plana "Alipašin Most VII"."

**Član 2.**

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2073-1/15 23. decembra 2015. godine Sarajevo	Predsjedavajući Gradskog vijeća <b>Suljo Agić, s. r.</b>
---	--

**OPĆINA ILIDŽA**

**Općinski načelnik**

Na osnovu člana 141. Zakona o prostornom uređenju ("Službene novine Kantona Sarajevo", br. 7/05) i člana 90. Statuta Općine Ilidža ("Službene novine Kantona Sarajevo", broj 33/10), Općinski načelnik donosi

**CJENOVNIK**

**TEHNIČKOG PREGLEDA GRAĐEVINA**

**Član 1.**

Ovim Cjenovnikom utvrđuje se visina naknade, način obračunavanja i naplate troškova tehničkog pregleda građevina.

**Član 2.**

Tehnički pregled građevina vrši Komisija koju u skladu sa Pravilnikom o načinu formiranja Komisije za tehnički pregled imenuje Rješenjem Općinski načelnik putem Općinske službe nadležne za poslove prostornog uređenja.

**Član 3.**

Troškovi vršenja tehničkog pregleda građevina padaju na teret investitora i utvrđuje se zaključkom koji donosi Općinski načelnik putem Općinske službe nadležne za poslove prostornog uređenja.

Investitor je dužan prije izlaska Komisije na teren uplatiti cjelokupni iznos predviđenih bruto troškova tehničkog pregleda što se određuje posebnim zaključkom.

Organ uprave zadržava pravo izmjene visine novčane obaveze utvrđene Zaključkom iz člana 3. ovog Cjenovnika, ukoliko se nakon obavljenog tehničkog pregleda, a kroz Izvještaj Komisije za tehnički pregled građevine utvrdi da visina naknade troškova tehničkog pregleda građevine nije procijenjena na način propisan odredbama ovog Cjenovnika.

**Član 4.**

U bruto troškovima tehničkog pregleda sadržani su:

1. Troškovi rada organa uprave
2. Naknada za rad Komisije

3. Porez na prihod od drugih samostalnih djelatnosti
4. Doprinosima i naknadama u skladu sa zakonom
5. Posebna naknada za zaštitu od prirodnih nesreća
6. Drugi porezi u skladu sa zakonom.

**Član 5.**

Bruto troškovi tehničkog pregleda građevina određuju se na sljedeći način:

1. Stambeni objekti po 1 m<sup>2</sup> bruto površine:
  - površine manje i jednako 130 m<sup>2</sup>. . . . . 4,0 KM/1 m<sup>2</sup>
  - površine od 130 - 200 m<sup>2</sup>. . . . . 3,5 KM/1 m<sup>2</sup>
  - površine od 200 m<sup>2</sup> do 1000 m<sup>2</sup>. . . . . 3,0 KM/1 m<sup>2</sup>
  - površine veće od 1000 m<sup>2</sup>. . . . . 2,5 KM/1 m<sup>2</sup>ali ukupni iznos ne može prelaziti više od 20.000 KM po objektu.

Objekti koji se grade u lamelama (po jednoj izdatoj građevnoj dozvoli) obračun se vrši za svaku lamelu posebno tako da troškovi tehničkog prijema ne mogu prelaziti iznos od 20.000 KM po lameli.

2. Poslovni i proizvodni objekti po 1 m<sup>2</sup> bruto površine:
  - površine manje i jednako 500 m<sup>2</sup>. . . . . 6,0 KM/1 m<sup>2</sup>
  - površine od 500 - 2.500 m<sup>2</sup>. . . . . 4,0 KM/1 m<sup>2</sup>
  - površine od 2.500 do 5.000 m<sup>2</sup>. . . . . 3,0 KM/1 m<sup>2</sup>
  - površine veće od 5.000 m<sup>2</sup>. . . . . 2,0 KM/1 m<sup>2</sup>ali ukupni iznos ne može prelaziti više od 20.000 KM po objektu.

3. Svi ostali objekti 3% od investicione vrijednosti, sa pripadajućim PDV-om na osnovu investicione vrijednosti po projektu, te finansijskih pokazatelja - dokaza investitora na osnovu knjigovodstvene evidencije.

4. Za objekte koji nisu stambenog, poslovnog niti proizvodnog karaktera, a za koje se troškovi tehničkog pregleda obračunavaju na osnovu investicione vrijednosti, obračun troškova se vrši tako da troškovi tehničkog prijema ne mogu prelaziti iznos od 20.000 KM po objektu (po jednoj izdatoj građevnoj dozvoli)".